



KOERANTBERIG

GRAAD 6 TOT OPE AFDELING

1. VOORSKRIFTE

1.1 ALGEMENE VOORSKRIFTE:

- 'n Deelnemer mag in een of meer kategorieë deelneem.
- 'n Deelnemer skryf in volgens skoolgraad, dit wil sê óf in graad 6, 7, 8, 9, 10, 11, 12 óf die ope afdeling (18-25 jaar; dui ouderdom aan).
- **NB! NB!** Dieselfde inskrywings mag NIE meer as een keer (jaar na jaar) vir die Internasionale Afrikaans-Ekspo ingeskryf word NIE. Dit moet **oorspronklike werk** wees wat nog nie voorheen ingeskryf is nie.
- Alle inskrywings moet die deelnemer se eie, selfstandige, unieke en nuwe werk wees.
- **LET WEL!** Die beoordelaars is onafhanklik van die FAK en hulle beslissings vir die finaliste en wenners is finaal en bindend en geen korrespondensie sal daarvoor gevoer word nie.

1.2 VOORSKRIFTE VIR DIE HANTERING VAN 'N INSKRYWING:

- Die koerantberigte moet **getik** wees, met die volgende vereistes:
 - › Font: Calibri
 - › Lettergrootte: 12
 - › Spasiëring: 1½
 - › Kantlyne: 20 mm rondom
- Bo-aan jou werkstuk/inskriving moet die onderstaande inligting aangebring word. Die inskriving sal punte verloor indien nie hieraan voldoen word nie:
 - › Naam en van
 - › Graad/ouderdom
 - › Afrikaans eerste taal (huistaal) / Afrikaans tweede taal (addisionele taal)
 - › Kategorie
 - › Titel
- Sien punt 3 in die Algemene Afdeling oor hoe om jou inskriving(s) in te dien.
- Heg die gedig in **pdf-formaat** aan.
- Indien **meer as een inskriving** vir hierdie kategorie ingeskryf word (bv. een leerder wat twee koerantberigte skryf), moet elke inskriving **apart** ingestuur word, elk met 'n **afsonderlike inskrywingsvorm**.
- 'n **Maksimum van DRIE INSKRYWINGS** per kategorie per leerder word toegelaat. Geen ekstra inskrywings sal aanvaar word of beoordeel word nie. Kies die **beste DRIE** om in te skryf.
- Ons verkies dat geen **handgeskrewe** koerantberigte ingestuur word nie. Die beoordelaar moet nie sukkel om dit te lees nie.

1.3 SPESIFIEKE VOORSKRIFTE:

- Vir leerders met Afrikaans as Huistaal:
 - › 140 tot 160 woorde vir graad 6 en 7
 - › 160 tot 180 woorde vir graad 8 en 9
 - › 180 tot 200 woorde vir graad 10 tot 12 en ope afdeling
- Vir leerders met Afrikaans as Eerste Addisionele Taal:
 - › 80 tot 100 woorde vir graad 6 en 7
 - › 100 tot 120 woorde vir graad 8 en 9
 - › 120 tot 140 woorde vir graad 10 tot 12 en ope afdeling
- Moenie die koerantberig in koerantformaat uitlê nie, slegs in gewone paragrawe soos in 'n opstel.
- Voorsien die berig van 'n treffende titel.
- Skryf die getal woorde van die koerantberig onderaan die inskrywing.

2. WENKE

- Hou die volgende formule in gedagte: die vyf W's en die H – wie, wat, waar, wanneer, waarom en hoe.
- Skryf in die derde persoon. (Jy kan nie jou opinie lewer nie.)
- Gee feite en gebeure akkuraat en objektief weer.
- Haal 'n ooggetuie/besoeker se direkte woorde aan. (bv. Volgens Piet)
- Maak seker jou paragrawe volg logies op mekaar.
- Gebruik sinonieme vir afwisseling.

3. OPDRAG

Skryf 'n koerantberig vir jou skoolkoerant/universiteitskoerant oor 'n gebeurtenis by die skool/universiteit of in die gemeenskap, bv. Groentjekonsert, revue, sportbyeenkoms, verkiesing van 'n komitee, kultuurbyeenkoms, sosiale geleentheid, ens.

BEOORDELING SAL NA AANLEIDING VAN DIE VOLGENDE GEDOEN WORD:

INHOUD ___ / 20	<ul style="list-style-type: none">• Is daar 'n duidelike tema?• Is die koerantberig onderwerpgerig?• Is genoegsame agtergrond ingewin?• Word die inhoud logies opgebou, m.a.w. het dit 'n inleiding en slot?
TEGNIËSE VERSORGING ___ / 20	<ul style="list-style-type: none">• Is die formaat van die koerantberig reg?• Is die koerantberig goed gestruktureer?• Is die teks taalversorg?• Is goeie Afrikaans gebruik?• Is die titel treffend en 'n opsomming van die artikel?
GEHEELINDRUK ___ / 10	<ul style="list-style-type: none">• Toon die leerder helder denke?• Is daar 'n duidelike boodskap?• Word die dialoog kreatief aangewend en is dit lewendig?• Is dit 'n geslaagde aanbieding?• Is die dialoog 'n afgeronde geheel?• Is die onderwerp effektief? Sal dit aandag trek?
TOTAAL uit 50